



Adresa: **Ul. Hamdije Čemerlića 39**
71000 Sarajevo
<http://www.voda.ba>

tel. +387 33 726-400
fax. +387 33 726-423
e – mail: info@voda.ba

Broj: **UP-1/21-2-40-170-2/22**

Datum: **14.04.2022. godine**

«Agencija za vodno područje rijeke Save» Sarajevo rješavajući po zahtjevu Općine Lukavac za donošenje rješenja o vodnoj saglasnosti na projektnu dokumentaciju za izgradnju kolektora fekalnih i oborinskih voda u ulicama Podrinjska, Omladinska i 8. marta u Lukavcu sa privremenim ispustima u rijeku Jalu, na osnovu 109. stav (1) tačke 10., a u vezi sa članom 12. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99), **d o n o s i**

R J E Š E N J E **o vodnoj saglasnosti**

1. Daje se vodna saglasnost Općini Lukavac za izgradnju kolektora fekalnih i oborinskih voda u ulicama Podrinjska, Omladinska i 8. marta u Lukavcu sa privremenim ispustima u rijeku Jalu, a na osnovu projektne dokumentacije:
 - Glavni projekat odvodnje oborinskih i kanalizacionih otpadnih voda u MZ Lukavac grad sa područja ulica Podrinjska i Omladinska i prečištača fekalnih voda u industrijskoj zoni Lukavac – Lot 1, broj projekta: 2671/18 urađen novembra 2020. godine od strane «TQM», d.o.o. Lukavac.
- Ova vodna saglasnost može se koristiti isključivo u postupku pribavljanja odobrenja za građenje u skladu sa Zakonom o građenju.
2. Projektna dokumentacija navedena u tački 1. ovog Rješenja, ovjerena je u skladu sa odredbama člana 114. stav (3) Zakona o vodama i ista je sastavni dio ovog rješenja.
3. Vodna saglasnost se donosi na osnovu pregleda dostavljene projektne dokumentacije iz tačke 1. ovog rješenja, utvrđenog činjeničnog stanja i pod sljedećim uslovima:
 - 3.1. Sve radove izgradnji kanalizacionih kolektora izvesti u skladu sa ovjerenom projektnom dokumentacijom iz tačke 1. ovog Rješenja.
 - 3.2. Tehnologiju izvođenja radova u obalnom pojasu vodotoka prilagoditi uslovima na terenu uz odgovarajuća osiguranja ljudi i materijalnih dobara.
 - 3.3. Da se tokom izvođenja radova provedu sve potrebne mjera zaštite kako ne bi došlo do erozionih procesa u koritu i obalnom području vodotoka ili do pogoršanja kvaliteta vode.
 - 3.4. Sve kolizije sa postojećim infrastrukturnim objektima (instalacijama vodovoda i kanalizacije, elektro i sl.), na lokalitetu na kojem će se vršiti radovi, ukoliko do takvih situacija tokom izvođenja radova dođe, prethodno će se rješavati uz saglasnost mjesno nadležnog operatera koji upravlja tim objektima i instalacijama i isti će dati tehničke uslove za izvođenje ovih radova.
 - 3.5. U toku radova, iskopani materijal i otpad se ne smiju ni privremeno odlagati na zemljišnu česticu «vodno dobro», odnosno unositi u vodotok i na njegove obale.
 - 3.6. Investitor (korisnik vodne saglasnosti) je u obavezi da u skladu sa zakonodavstvom iz oblasti građenja angažuje stručno lice sa osnovnim zadatkom kontinuiranog nadzora (praćenja i kontrole) nad provođenjem projektovanih aktivnosti na terenu.
 - 3.7. U toku izvođenja radova, neophodno je poduzeti sve potrebne mjere zaštite, da predmetnim aktivnostima ne dođe do nastanka štete ili nepovoljnih posljedica po vode i vodni režim (erozija obala i korita vodotoka, pogoršanje kvaliteta vode i dr).

4. Ukoliko se izvođenjem radova na izgradnji kanalizacionih kolektora ili drugim aktivnostima vezanim za predmetne radove prouzrokuju štetne promjene režima voda, prouzrokuju štete i naruši stabilnost korita i obala ili nanesu štete trećim licima, podnositelj zahtjeva je obavezan uzroke nastanka štetnih promjena otkloniti, a nastale štete nadoknaditi o vlastitom trošku.
5. Po završetku izgradnje predmetnih radova i obavljenog tehničkog pregleda izvedenih radova, korisnik vodne saglasnosti će shodno članu 115. Zakona o vodama zatražiti izdavanje vodne dozvole, a prije pribavljanja odobrenja za upotrebu objekata. Zahtjev se dostavlja u skladu sa članom 12. stav (3) i članom 19. stav (2) Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj 31/15, 55/19 i 41/20).
6. Ova vodna saglasnost prestaje važiti istekom roka od dvije godine ukoliko u tom roku ne bude pribavljeno odobrenje za građenje i započeti radovi na izgradnji kanalizacionih kolektora u skladu sa projektnom dokumentacijom iz tačke 1. dispozitiva ovog rješenja.
7. Ovo rješenje o vodnoj saglasnosti može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Dana 08.04.2022. godine Općina Lukavac se obratila ovoj Agenciji sa zahtjevom za donošenje rješenja o vodnoj saglasnosti za izgradnju kolektora fekalnih i oborinskih voda u ulicama Podrinjska, Omladinska i 8. marta u Lukavcu sa privremenim ispustima u rijeku Jalu.

U provedenom postupku, uz zahtjev za izdavanje vodne saglasnosti dostavljena je i pregledana sljedeća dokumentacija:

- ovjerena kopija Uvjerenja o poreznoj registraciji izdatog 07.05.2014. godine od strane Kantonalnog poreznog ureda Tuzla,
- ovjerena kopija Obavještenja o razvrstavanju pravnog lica prema klasifikaciji djelatnosti, broj: 07-32.5-93263/14 izdatog 07.05.2014. godine od strane Službe za statistiku za područje Tuzlanskog kantona,
- Kopija Rješenja o urbanističkoj saglasnosti, broj: 09-19-963/21 izdatog 15.02.2022. godine od strane Službe za urbanizam, prostorno uređenje i zaštitu okoliša općine Lukavac,
- Kopija Rješenja o prethodnoj vodnoj saglasnosti broj: UP-I/25-1-40-124-6/21 izdatog 07.06.2021. godine od strane ove Agencije,
- kopija Odluke o odvodnji i prečišćavanju otpadnih i površinskih voda na području općine Lukavac, broj: 01-02-95/99 usvojene 15.04.1999. godine od strane Općinskog vijeća Općine Lukavac,
- kopija Odluke o izmjeni i dopuni Odluke o odvodnji i prečišćavanju otpadnih i površinskih voda na području općine Lukavac, broj: 01-02-1-4790/02 donesene 30.12.2002. godine od strane Općinskog vijeća Općine Lukavac,
- Glavni projekat odvodnje oborinskih i kanalizacionih otpadnih voda u MZ Lukavac grad sa područja ulica Podrinjska i Omladinska i prečištača fekalnih voda u industrijskoj zoni Lukavac – Lot 1, broj projekta: 2671/18 urađen novembra 2020. godine od strane «TQM», d.o.o. Lukavac,
- Dokaz o uplaćenju upravnoj taksi.

Na osnovu uvida u dostavljenu dokumentaciju utvrđeno je sljedeće:

Za izgradnju kolektora fekalnih i oborinskih voda u ulicama Podrinjska, Omladinska i 8. marta u Lukavcu sa privremenim ispustima u rijeku Jalu, od strane ovlaštenih projektnih kuća, urađena je i revidovana projektna dokumentacija.

Podnosilac zahtjeva je pribavio Rješenje o urbanističkoj saglasnosti od nadležnog organa čime se potvrđuje da predmetna lokacija nije u koliziji sa planskom dokumentacijom Općine Lukavac.

Projektna dokumentacija urađena je u skladu sa uslovima iz Rješenja o prethodnoj vodnoj saglasnosti, izdatog od strane ovog organa, broj: UP-I/25-1-40-124-6/21 od 07.06.2021. godine, te je shodno članu 114. Zakona o vodama, upisivanjem broja i stavljanjem otiska pečata ove Agencije na projektnu dokumentaciju data vodna saglasnost na istu.

Na temelju utvrđenog činjeničnog stanja i dostavljene dokumentacije, a u cilju smanjenja negativnih uticaja predmetne izgradnje na stanje voda i prava na vode dodijeljena drugim korisnicima, podnosiocu zahtjeva su ovim vodnim aktom, u tački 3. dispozitiva rješenja, shodno odredbama članova 114. i 128. Zakona o vodama („Službene novine Federacije BiH“, broj 70/06) i člana 7. Pravilnika o sadržaju, obliku, uslovima, načinu izdavanja i čuvanja vodnih akata („Službene novine Federacije BiH“, broj 31/15, 55/19 i 41/20), propisani uslovi koje je investitor dužan ispuniti u toku predmetne gradnje.

Uzimajući u obzir naprijed navedeno, a shodno odredbama člana 114. Zakona o vodama („Službene novine Federacije BiH“, broj 70/06) i člana 7. Pravilnika o sadržaju, obliku, uslovima, načinu izdavanja i čuvanja vodnih akata („Službene novine Federacije BiH“, broj 34/15, 55/19 i 41/20) riješeno je kao u dispozitivu ovog rješenja.

Podnosilac zahtjeva je uplatio upravnu taksu u iznosu od 60 u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obrađivač akta:

Roksanda Školjić, dipl.inž.građ.

Prilog:

- Ovjeren Glavni projekat odvodnje oborinskih i kanizacionih otpadnih voda u MZ Lukavac grad sa područja ulica Podrinjska i Omladinska i prečistača fekalnih voda u industrijskoj zoni Lukavac – Lot 1, broj projekta: 2671/18 urađen novembra 2020. godine od strane «TQM», d.o.o. Lukavac.

Po ovlaštenju
Rukovodilac sektora za izdavanje
vodnih akata


Haris Ališehović, dipl.inž.građ.

Dostaviti:

- Općina Lukavac, Trg slobode br.1, 75300 Lukavac (prilog)
- AVP Sava, ISV-vodna knjiga
- Sektor 40 – arhiva
- Oglasna ploča AVP Sava